

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01/03-45-1932/22
Sarajevo, 16.06.2022.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-06-2022			
Org. jed.	Broj	Priloga	Vrijednost
05/1-	02-	201	22

Luka Faletar, poslanik u Predstavničkom domu Parlamenta FBiH
-n/r direktora

PREDMET: Odgovor na poslaničko upit, **dostavlja se**

Veza: Poslaničko pitanje sa 33. sjednice Predstavničkog doma Parlamenta FBiH od 31.05.2022. godine

Poštovani

Na 33. sjednici Predstavničkog doma Parlamenta FBiH Federalnom ministarstvu pravde postavili ste pitanje o pravilnoj primjeni Zakona o ministarskim, vladinim i drugim imenovanjima FBiH („Sl.novine FBiH“, br. 12/03, 34/03 i 65/13), a sve u vezi načina imenovanja Komisije za izbor i imenovanja u regulirana tijela općine Jajce, koji je postupak, prema Vašim riječima već dugo predmetom spora u ovoj jedinici lokalne samouprave.

U odgovoru na Vaše pitanje, obavještavamo Vas da je ovo ministarstvo svojim aktima br. 01/03-45-3799/21 od 16.12.2021. godine, br. 01/03-45-3799-1/21 od 09.02.2022. godine i br. 01/03-45-390/22 od 11.02.2022. godine, predsjedavajućem općinskog vijeća Jajce te direktoru JKP „Vodovod i kanalizacija“ doo Jajce već davalo odgovore o pravilnoj primjeni navedenog zakona u pogledu imenovanja pomenute komisije općinskog vijeća. S tim u vezi, smatrajući veoma jasnim i lako primjenjivim odredbe Zakona o ministarskim, vladinim i drugim imenovanjima FBiH, dali smo naše mišljenje i uputstva, koja Vam dostavljamo i u prilogu ovog akta.

Dakle, smatramo da je odredbama iz člana 9. stav (4) pomenutog zakona jasno propisano da se komisija za izbor kandidata u regulirane organe, ukoliko je regulirani organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu, samostalno imenuje iz reda zaposlenika tog organa, pa je samim tim jasno da u istu nije dozvoljeno imenovati druge odnosno vanjske saradnike općinskog vijeća koji nisu zaposlenici organa uprave općine Jajce. Međutim, naglasili smo i to da je odredbama iz člana 9. stav (3) istog zakona, utvrđeno da se prilikom imenovanja komisije za izbor mora prevashodno voditi računa o zakonu ili statutu na osnovu kojeg je osnovan organ. Nakon što smo izvršili uvid u dostavljenu dokumentaciju u ovom predmetu, uočili smo da je u članu 30. stav (1) alineja 9. Statuta općine Jajce propisano da općinsko vijeće osniva poduzeća i ustanove za obavljanje poslova od interesa općine, dok je u njegovom članu 34. propisano da vijeće osniva svoja radna tijela, te da utvrđuje njihov sastav, broj članova, djelokrug i način rada koji se uređuje odredbama poslovnika o radu vijeća. Istovremeno, odredbama iz člana 40. stav (2) alineja 8. Poslovnika o radu vijeća općine Jajce osnovana je Komisija za izbor i imenovanje u regulirana tijela općine Jajce kao stalno radno tijelo općinskog vijeća, a ne povremeno radno tijelo koje se osniva po potrebi za provođenje postupka izbora kandidata u regulirane organe. U tom smislu, zaključili smo da je ovakvom pravnom regulacijom općine Jajce ispunjen uslov iz člana 9. stav (3) Zakona o ministarskim, vladinim i drugim imenovanjima FBiH, te da se u predmetnom slučaju za postupak imenovanja komisije za izbor kandidata u regulirane organe imaju primijeniti ti propisi.

S poštovanjem

TA

prilozi: kao u tekstu

MINISTAR



Mato Jozić



D

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01/03-45-3799/21
Sarajevo, 16.12.2021.

23-12-2021

Općinsko vijeće Jajce
-n/r predsjedavajućeg

PREDMET: Odgovor na upit, **dostavlja se**

Veza: Vaš akt br. 01-01-6739/21 od 14.10.2021. godine

Poštovani

Vašim aktom, gornji broj i datum, zatražili ste mišljenje Federalnog ministarstva pravde o primjeni odredaba Zakona o ministarskim, vladinim i drugim imenovanjima FBiH („Sl.novine FBiH“, br. 12/03, 34/03 i 65/13) u pogledu pravilne primjene odredaba kojima se uređuje pitanje provođenja postupka izbora i imenovanja u regulirane organe koji su u vlasništvu općine Jajce odnosno način imenovanja komisija za izbor kandidata.


Kako ste naveli u Vašem aktu, zanima Vas da li općinsko vijeće, usljed činjenice da nema svojih zaposlenika, može i mora imenovati komisiju za izbor kandidata u regulirane organe iz reda zaposlenika organa uprave općine Jajce odnosno zaposlenike iz općinskih službi za upravu ili komisiju za izbor treba imenovati iz reda vanjskih saradnika općinskog vijeća.

U odgovoru na Vaš akt, ističemo da je u odredbama iz člana 9. stav (4) Zakona o ministarskim, vladinim i drugim imenovanjima FBiH jasno i nedvosmisleno propisano da se komisija za izbor kandidata u regulirane organe, ukoliko je regulirani organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu, samostalno imenuje iz reda zaposlenika tog organa, pa je samim tim jasno da u istu nije dozvoljeno imenovati druge odnosno vanjske saradnike općinskog vijeća koji nisu zaposlenici organa uprave općine Jajce. Činjenica da općinsko vijeće nema svojih zaposlenika u vidu stručnih službi, nije od uticaja na predmetno pitanje, s obzirom da se ima smatrati da su svi zaposleni u organu uprave općine Jajce dio jedinstvenog organa uprave.

S poštovanjem

TA

MINISTAR


Mato Jozić

Aca

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01/03-45-3799-1/21
Sarajevo, 09.02.2022.

Općinsko vijeće Jajce
-n/r predsjedavajućeg

01-02-2022

PREDMET: Odgovor na upit, **dostavlja se**

Veza: Vaš akt br. 01-01-6-776/22 od 01.02.2022. godine

Poštovani

Vašim aktom, gornji broj i datum, zatražili ste dodatno mišljenje Federalnog ministarstva pravde o primjeni odredaba Zakona o ministarskim, vladinim i drugim imenovanjima FBiH („Sl.novine FBiH“, br. 12/03, 34/03 i 65/13), a o kojem smo se već očitovali u našem aktu br. 01/03-45-3799/21 od 16.12.2021. godine.

Vašim novim aktom istakli ste svoju dilemu u pogledu primjene navedenog zakona, a koja se tiče primjene njegove odredbe iz člana 9. stav (3) i (4), s obzirom da Vam nije jasno kojoj od ovih odredbi dati prednost u konkretnoj situaciji.

U odgovoru na Vaš akt, ističemo da ostajemo pri stajalištu kojeg smo izrazili u našem gore pomenutom aktu. Međutim, s obzirom da ste nam ovaj puta dostavili i izvode iz odredaba Statuta općine Jajce i odredaba Poslovnika o radu vijeća općine Jajce, sasvim je jasno da je opravdano da dopunimo naše mišljenje u pogledu pitanja na koje tražite odgovor.

S tim u vezi, a imajući na umu da je u članu 30. stav (1) alineja 9. statuta općine propisano da općinsko vijeće osniva poduzeća i ustanove za obavljanje poslova od interesa općine, a da je u članu 34. statuta propisano da vijeće osniva svoja radna tijela, te da utvrđuje njihov sastav, broj članova, djelokrug i način rada koji se uređuje odredbama poslovnika o radu vijeća, kao i to da je odredbama iz člana 40. stav (2) alineja 8. Poslovnika o radu vijeća općine Jajce osnovana Komisija za izbor i imenovanje u regulirana tijela općine Jajce kao stalno radno tijelo općinskog vijeća, a ne povremeno radno tijelo koje se osniva po potrebi za provođenje postupka izbora kandidata u regulirane organe, to je jasno da je pravnom regulacijom na ovakav način ispunjen uslov iz člana 9. stav (3) Zakona o ministarskim, vladinim i drugim imenovanjima FBiH, kojim je propisano da će se prilikom imenovanja komisije za izbor voditi računa o zakonu ili statutu na osnovu kojeg je osnovan organ. U tom slučaju, propisuje navedeni stav ovog člana zakona, ako je u tom propisu utvrđen poseban postupak izbora ili sastava komisije za izbor na pozicije u reguliranom organu, tada će se postupati po odredbama tog propisa, što je nesumnjivo statut općine odnosno poslovnik o radu općinskog vijeća. Sljedstveno tome, s obzirom da se općina Jajce u svojoj regulativi opredijelila na osnivanje stalnog radnog tijela koje će provoditi sve konkursne procedure za izbor kandidata u regulirane organe, smatramo da onda nije ni potrebno slijediti odredbu iz stava (4) navedenog člana, nego isključivo odredbu iz stava (3) ovog člana. Imajući u vidu ovakav stav, smatramo da na druga pitanja koja ste postavili u Vašem upitu nije potrebno ni odgovarati.

S poštovanjem

TA

MINISTAR

Mato Jozic

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01/03-45-390/22
Sarajevo, 11.02.2022.

JKP „Vodovod i kanalizacija“ doo Jajce
-n/r direktora

PREDMET: Odgovor na upit, **dostavlja se**

21-02-2022

Veza: Vaš akt br. 01-131/22 od 07.02.2022. godine

Poštovani

Vašim aktom, gornji broj i datum, kojim ste iznijeli Vaša saznanja o sadržaju navodnih upita predsjedavajućeg Općinskog vijeća Jajce kojeg je podnio ovom ministarstvu u pogledu imenovanja Komisije za izbor i imenovanja u regulirana tijela Općinskog vijeća Jajce te navodnom sadržaju odgovora kojeg je dalo ovo ministarstvo u tom pogledu, zatražili ste između ostalog i da Vama dostavimo predmetno mišljenje, s obzirom da se isto, kako ste naveli, odnosi i na Vaše poslovanje kao subjekta kojeg je osnovala općina Jajce.

U odgovoru na Vaš akt, ističemo da je predsjedavajući Općinskog vijeća Jajce zatražio mišljenje o pravilnoj primjeni odredaba Zakona o ministarskim, vladinim i drugim imenovanjima FBiH („Sl. novine FBiH“, br. 12/03, 34/03 i 65/13), a po kojem je ovo ministarstvo i postupilo. U našem odgovoru, istakli smo da je odredbama iz člana 9. stav (4) tog zakona jasno i nedvosmisleno propisano da se komisija za izbor kandidata u regulirane organe, ukoliko je regulirani organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu, samostalno imenuje iz reda zaposlenika tog organa, pa je samim tim jasno da u istu nije dozvoljeno imenovati druge odnosno vanjske saradnike općinskog vijeća koji nisu zaposlenici organa uprave općine Jajce. Međutim, naglasili smo i to da je odredbama iz člana 9. stav (3) istog zakona, utvrđeno da se prilikom imenovanja komisije za izbor mora prevashodno voditi računa o zakonu ili statutu na osnovu kojeg je osnovan organ. Uvidom u dostavljenu dokumentaciju u ovom predmetu, lako je uočljivo da je u članu 30. stav (1) alineja 9. Statuta općine Jajce propisano da općinsko vijeće osniva poduzeća i ustanove za obavljanje poslova od interesa općine, dok je u njegovom članu 34. propisano da vijeće osniva svoja radna tijela, te da utvrđuje njihov sastav, broj članova, djelokrug i način rada koji se uređuje odredbama poslovnika o radu vijeća, te da je odredbama iz člana 40. stav (2) alineja 8. Poslovnika o radu vijeća općine Jajce osnovana Komisija za izbor i imenovanje u regulirana tijela općine Jajce kao stalno radno tijelo općinskog vijeća, a ne povremeno radno tijelo koje se osniva po potrebi za provođenje postupka izbora kandidata u regulirane organe. Imajući to na umu, smatramo da je ovakvom pravnom regulacijom u propisima ove jedinice lokalne samouprave ispunjen uslov iz člana 9. stav (3) Zakona o ministarskim, vladinim i drugim imenovanjima FBiH, te da se u predmetnom slučaju za postupak imenovanja komisije za izbor kandidata u regulirane organe imaju primijeniti ti propisi.

S poštovanjem

TA

MINISTAR
Mato Jozić